

Имомлари иттифоқ қилган ҳадислар / Олти саҳиҳ имомлари иттифоқ қилган ҳадислар / 134-ҳадис

134 - عَنْ جَابِرٍ أَنَّهُ قَالَ: جَاءَ سُئِلُكَ الْعَطْفَانِيُّ يَوْمَ الْجُمُعَةِ، وَرَسُولُ اللَّهِ صَلَّى اللَّهُ عَلَيْهِ وَسَلَّمَ

قَاعِدٌ عَلَى الْمِنْبَرِ، فَمَعَدَ سُئِلُكَ قَبْلَ أَنْ يُصَلِّيَ، فَقَالَ لَهُ النَّبِيُّ صَلَّى اللَّهُ عَلَيْهِ وَسَلَّمَ: «أَكْرَعْتَ

كُرْعَتَيْنِ؟» قَالَ: لَا، قَالَ: «فَمَا كَرَعَهُمَا».

[خ 930، م 875، ت 510، س 1395، د 1115، ج 1112].

Жобир розияллоху анхудан ривоят қилинади:

«Сулайк Ғатафоний жума куни келганида Расулуллоҳ соллаллоху алайҳи васаллам минбарда ўтиргандилар. Сулайк намоз ўқимасдан, ўтириб олди. Шунда Набий соллаллоху алайҳи васаллам унга: «**Икки рақъат ўқиб олдингми?**» дедилар. У: «Йўқ», деди. У зот: «**Тур, ўқиб ол**», дедилар».

Имом Бухорий, Муслим, Термизий, Насай, Абу Довуд ва Ибн Можжа ривоят қилишган.

Изоҳ: Қози Иёз айтади: «Имом Молик, Лайс, Абу Ҳанифа, Саврий ва жумҳур саҳоба ва тобеъинларнинг наздида имом хутбага чиққан бўлса, таҳийятул масжид ўқилмайди». Мазкур уламолар хутба пайтида жим туриш вожиблигига далолат қилган ҳадисларни ҳужжат қилганлар, таҳийятул масжид намозини ўқиш кераклиги ҳақидаги ҳадисларни эса муайян сабабларга кўра, истисно тариқасида бўлган деб, амал учун умумий маънодаги ҳадисларни қабул қилишган. Бу фатво, хусусан, Умар ибн Хаттоб, Усмон ибн Аффон, Алий ибн Абу Толиб розияллоху анхумларнинг барчаларидан нақл қилинган. Шунга кўра, ҳанафий мазҳаби уламолари имом хутбага чиққанидан кейин уни тинглашдан бошқа ҳар қандай ҳатти-ҳаракатни ножоиз санашган.



HADIS.ISLOM.UZ
NUBUVVAT MARVARIDLARI